

Tsunami Month Script

‘O ‘Apelila ka Mahina Ho‘ākahele Kai Ho‘ē‘e ma Hawai‘i.

Pa‘akikī ka wānana ‘ana i ke kai ho‘ē‘e, no laila ke koi ‘ia nei ka lehulehu e ho‘omākaukau no kekahi hanana ulia me ke kūkala pō‘ino ‘ole paha, i hiki mai paha ma ka makahiki holo‘oko‘a, ma ka lā a ma ka pō kekahi.

He pūka‘ina nalu nu‘a ke kai ho‘ē‘e i pi‘i a‘e ma muli o ke ōla‘i.

Ke hiki koke mai ke kai ho‘ē‘e i ka ‘āina, he kai mimiki, a ahuwale ka papakū o kahakai, ka ‘āpapapa, a me nā i‘a.

He kani halulu ke kai ho‘ē‘e, kohu ka‘aahi e holo maila, a mokulele hēkī paha.

Inā ‘ike a lohe ‘oe i kekahi o kēia mau hō‘ailona pōpilikia, e pi‘i koke i uka.

Inā kokoke ‘oe i ke kai, a nāueue ka honua, e pi‘i koke i uka.

Inā he kūkala kai ho‘ē‘e, a aia paha ‘oe ma kahi kokoke i kai, kahi māhele ‘āina ho‘oha‘alele ho‘i, e ha‘alele koke ‘oe i kou hale a wahi hana paha, a e pi‘i i uka.

Inā ‘a‘ole hiki ke ha‘alele koke i ia māhele ‘āina ho‘oha‘alele ke hiki mai ke kai ho‘ē‘e, e ‘imi i kahi haleku‘i he ‘umi a ‘oi papahele, i kūkulu ‘ia me ke kila a i ‘ole i ho‘opa‘a ‘ia me ke kimeki, a e pi‘i a‘e i ka papahele ‘ehā a ‘oi aku paha.

Mai ho‘i i kou hale ma mua o ke kūkala kūhelu he palekana. I loko nō o ka mōkākī a me nā mea pō‘ino ma kekahi mau wahi, pono paha e waele i nā alanui no nā hana ho‘opakele a ho‘opalekana ho‘i.

I kēia manawa, e aho ‘oe e ho‘omākaukau i kahi ‘eke me kāu mau mea e pono ai no ka lawe koke ‘ana ma ka wā pōulia.

E ho‘omākaukau ma mua o ka hiki ‘ana mai o ke kai ho‘ē‘e, e a‘o i nā kū‘ikena, a e kōkua i ka ho‘opalekana ‘ana.

No ka ‘ikepili kiko‘ī hou aku, e kipa iā ready.hawaii.gov